

東

華

錄

東華錄目錄

康熙一

起順治十八年正月丁巳盡十二月

康熙二

起康熙元年正月盡十二月

康熙三

起二年正月盡十二月

康熙四

起三年正月盡十二月

康熙五

起四年正月盡十二月

康熙六

起五年正月盡十二月

康熙七

起六年正月盡十二月

康熙八

起七年正月盡十二月

康熙九

起八年正月盡十二月

康熙十

起九年正月盡十二月

康熙十一

起十年正月盡十二月

康熙十二

起十一年正月盡十二月

康熙十三

起十二年正月盡十二月

康熙十四

起十三年正月盡十二月

康熙十五

起十四年正月盡六月

康熙十六

起十四年七月盡十二月

康熙十七

起十五年正月盡六月

康熙十八

起十五年七月盡十二月

康熙十九

起十六年正月盡六月

康熙二十

起十六年七月盡十二月

康熙二十一

起十七年正月盡六月

康熙二十二

起十七年七月盡十二月

康熙二十三

起十八年正月盡六月

康熙二十四

起十八年七月盡十二月

康熙二十五

起十九年正月盡六月

康熙二十六

起十九年七月盡十二月

康熙二十七

起二十年正月盡六月

康熙二十八

起二十年七月盡十二月

康熙二十九

起二十一年正月盡六月

康熙三十

起二十一年七月盡十二月

康熙三十一

起二十二年正月盡六月

康熙三十二

起二十二年七月盡十二月

康熙三十三

起二十三年正月盡六月

康熙三十四

起三十三年七月盡十二月

康熙三十五

起二十四年正月盡六月

康熙三十六

起二十四年七月盡十二月

康熙三十七

起二十五年正月盡六月

康熙三十八

起二十五年七月盡十二月

康熙三十九

起二十六年正月盡六月

康熙四十

起二十六年七月盡十二月

康熙四十一

起二十七年正月盡六月

康熙四十二

起二十七年七月盡十二月

康熙四十三

起二十八年正月盡六月

康熙四十四

起二十八年七月盡十二月

康熙四十五

起二十九年正月盡六月

康熙四十六

起二十九年七月盡十二月

康熙四十七

起三十年正月盡六月

康熙四十八

起三十年七月盡十二月

康熙四十九

起三十一年正月盡六月

康熙五十

起三十一年七月盡十二月

康熙五十一

起三十二年正月盡六月

康熙五十二

起三十二年七月盡十二月

康熙五十三

起三十三年正月盡六月

康熙五十四

起三十三年七月盡十二月

康熙五十五

起三十四年正月盡六月

康熙五十六

起三十四年七月盡十二月

康熙五十七

起三十五年正月盡六月

康熙五十八

起三十五年七月盡十二月

康熙五十九

起三十六年正月盡六月

康熙六十

起三十六年七月盡十二月

康熙六十一

起三十七年正月盡六月

康熙六十二

起三十七年七月盡十二月

康熙六十三

起三十八年正月盡六月

康熙六十四

起三十八年七月盡十二月

康熙六十五

起三十九年正月盡六月

康熙六十六

東華金  
起三十九年七月盡十二月

康熙六十七

起四十年正月盡六月

康熙六十八

起四十年七月盡十二月

康熙六十九

起四十一年正月盡六月

康熙七十

起四十一年七月盡十二月

康熙七十一

起四十二年正月盡六月

康熙七十二

起四十二年七月盡十二月

康熙七十三

起四十三年正月盡六月

康熙七十四

起四十三年七月盡十二月

康熙七十五

起四十四年正月盡六月

康熙七十六

起四十四年七月盡十二月

康熙七十七

起四十五年正月盡六月

康熙七十八

起四十五年七月盡十二月

康熙七十九

起四十六年正月盡六月

康熙八十

起四十六年七月盡十二月

康熙八十一

起四十七年正月盡六月

康熙八十二

起四十七年七月盡十二月

康熙八十三

起四十八年正月盡六月

康熙八十四

起四十八年七月盡十二月

康熙八十五

起四十九年正月盡六月

康熙八十六

起四十九年七月盡十二月

康熙八十七

起五十年正月盡六月

康熙八十八

起五十年七月盡十二月

康熙八十九

起五十一年正月盡六月

康熙九十

起五十一年七月盡十二月

康熙九十一

起五十二年正月盡六月

康熙九十二

起五十三年七月盡十二月

康熙九十三

起五十四年正月盡六月

康熙九十四

起五十五年七月盡十二月

康熙九十五

起五十六年正月盡六月

康熙九十六

起五十四年七月盡十二月

康熙九十七

起五十五年正月盡六月

康熙九十八

起五十五年七月盡十二月

康熙九十九

起五十六年正月盡六月

康熙一百

起五十六年七月盡十二月

康熙一百一

起五十七年正月盡六月

康熙一百二

起五十七年七月盡十二月

康熙一百三

起五十八年正月盡六月

康熙一百四

起五十八年七月盡十二月

康熙一百五

起五十九年正月盡六月

康熙一百六

起五十九年七月盡十二月

康熙一百七

起六十年正月盡六月

康熙一百八

起六十年七月盡十二月

康熙一百九

起六十一年正月盡六月

康熙一百十

起六十一年七月盡十一月癸巳

東華錄

康熙一

臣王先謙敬編

臣周倫蕃恭校

聖祖仁皇帝 世祖第三子也 母孝康章皇后佟氏太子太保  
定南將軍都統一等公贈少保諡勤襄佟圖賴之女賦性端凝居  
心淑慎動嫻內則德合坤儀年十五誕 上於景仁宮順治十一  
年甲午三月十八日巳時也先是 孝康章皇后詣 慈甯宮問  
安將出衣裾若有龍繞 太皇太后見而異之問知有娠顧謂近  
侍曰朕曩孕皇帝時左右嘗見朕裾褶間有龍盤旋赤光燦爛後  
果誕生聖子統一寰區今妃亦有此祥徵異日生子必膺大福至  
上誕降之辰合宮異香經時不散又五色光氣充溢庭戶與日  
並耀是時宮人以及內侍無不見者咸稱奇瑞云 上天表奇偉

神采煥發雙瞳日懸隆準岳立耳大聲洪徇齊天縱稍長舉止端  
肅志量恢宏語出至誠切中事理讀書十行俱下畧不遺忘自五  
齡後好學不倦丙夜披閱每至宵分凡帝王政治聖賢心學六經  
要旨無不融會貫通洞徹原委至孝性成繼志述事仰承 太祖  
太宗肇造鴻基以守兼勅追念 世祖章皇帝耿光大烈孺慕  
終身奉事 太皇太后 皇太后竭誠盡敬歷久彌殷大德好生  
民物在宥勵精求治日理萬幾六十餘年孜孜如一日戶口繁增  
風俗醇美遠過唐虞之世料敵制勝妙算如神關前古未關之封  
疆服從來未服之方國巡閱河工指授方畧淮黃底定世賴平成  
且多藝多能允文允武著作則上媿典謨吟詠則直追雅頌精嫺  
細楷妙擅擘窠挽弓十五鈞用矢十三握左右騎射發必中的仁  
至義盡久道化成如天之幃如地之載如日月之照臨雨露之濡

潤益泰運光昌世當極治故篤生 聖人以贊化育盛德大業冠

於百王景福遐齡超於萬禩六齡時嘗偕 世祖皇二子福全

皇五子常甯問安宮中 世祖各問其志 皇五子甫三齡未對

皇二子以願爲賢王對 上奏云待長而效法 皇父黽勉盡

力 世祖遂屬意焉八齡踐阼後一日 太皇太后問 上何欲

奏曰惟願天下乂安生民樂業共享太平之福而已蓋撫馭萬方

馴致太平其甚已肇於此○順治十八年辛丑春正月辛亥朔越

七日丁巳夜子刻 世祖章皇帝賓天先五日壬子 世祖不豫

丙辰遂大漸召原任學士麻勒吉學士王熙至養心殿降旨一一

自責定 皇上御名命立爲皇太子並諭以輔政大臣索尼蘇克

薩哈邁必隆察拜姓名令草遺詔麻勒吉王熙遵旨於乾清門撰

擬付侍衛賈卜嘉進奏諭曰詔書著麻勒吉懷收俟朕更衣畢麻

勒吉賈卜嘉爾二人捧詔奏知 皇太后宣示王貝勒大臣至是  
世祖崩麻勒吉賈卜嘉捧遺詔奏知 皇太后卽宣示諸王貝  
勒貝子公大臣侍衛等宣訖諸王貝勒貝子公大臣侍衛等皆痛  
哭失聲索尼等跪告諸王貝勒等曰今 主上遺詔命我四人輔  
佐 沖主從來國家政務惟宗室協理索尼等皆異姓臣子何能  
綜理今宜與諸王貝勒等共任之諸王貝勒等曰 大行皇帝深  
知汝四大臣之心故委以國家重務詔旨甚明誰敢干預四大臣  
其勿讓索尼等奏知 皇太后乃誓告於 皇天上帝 大行皇  
帝靈位前然後受事其詞曰茲者 先皇帝不以索尼蘇克薩哈  
遏必隆鰲拜等爲庸劣遺詔寄託保翊 沖主索尼等誓協忠誠  
共生死輔佐政務不私親戚不計怨讐不聽旁人及兄弟子姪教  
唆之言不求無義之富貴不私往來諸王貝勒等府受其餽遺不

結黨羽不受賄賂惟以忠心仰報 先皇帝大恩若復各爲身謀

有違斯誓 上天殛罰奪算凶誅 大行皇帝神位前誓詞與此

同是日鹵簿大駕全設王以下文武各官俱成服齊集舉哀○戊

午頒 大行皇帝遺詔○己未 上卽皇帝位於太和殿以明年

爲康熙元年加恩中外罪非常赦所不原者咸赦除之○癸亥諭

禮部及議政王貝勒大臣等禁中設立 上帝壇及 奉先殿祭

典稽查歷代有無舊例定議具奏尋議歷代舊制止有冬至祀

天於南郊宮中 上帝壇應請罷祭至 奉先殿應照洪武三年

例朝夕焚香朔望瞻拜時節獻新生忌致祭用常饌家人禮從

之○甲子王以下及大臣官員齊集大光明殿設誓親王岳樂傑

書率貝勒貝子公內大臣侍衛大學士都統尙書及在廷文武諸

臣誓告於 皇天上帝曰 沖主踐阼臣等若不竭忠效力萌起

逆心妄作非爲互相結黨及亂政之人知而不舉私自隱匿挾讐  
誣陷徇庇親族者皇天明鑒奪算加誅 大行皇帝神位前誓詞  
與此同○乙丑議政貝勒大臣等遵旨詳議祀典議得 圓丘

方澤 祈穀壇 太廟時享洽祭 朝日壇 夕月壇 社稷壇

三皇廟 先農壇 歷代帝王廟 文廟 太歲壇 關帝廟

城隍廟紅衣礮等祀應照舊致祭外其大享合祀 太廟階下

合祭之禮相應罷祭又金朝諸陵應照前致祭明朝諸陵亦應照

前供獻從之○己巳 上詣 梓宮前行常祭禮 上每日三次

尙食哀慟不已 皇太后揮淚撫慰左右無不感動○庚午諭宗

人府吏部等各衙門勤慎修職都察院發奸剔弊○辛未封豫郡

王多鐸子董額爲貝勒○壬申免湖廣蘄州廣濟縣蝗旱賦○除

陝西宜君縣荒地賦○戊寅調宜理布爲吏部右侍郎

由刑部調

○以

雷虎爲工部右侍郎

由工部啓  
心郎遷

○己卯諭吏部戶部錢糧係軍國

急需經管大小各官須加意督催按期完解乃爲稱職近覽章奏

見直隸各省錢糧拖欠甚多完解甚少或係前官積逋貽累後官

或係官役侵那借口民欠向來拖欠錢糧有司則參罰停升知府

以上雖有拖欠錢糧未完仍得升轉以致上官不肯盡力督催有

司怠於徵比枝梧推諉完解愆期今後經管錢糧各官不論大小

凡有拖欠參罰俱一體停其升轉必待錢糧完解無欠方許題請

開復升轉爾等卽會同各部寺酌立年限勒令完解如限內拖欠

錢糧不完或應革職或應降級處分確議具奏如將經管錢糧未

完之官升轉者拖欠官並該部俱治以作弊之罪○諭吏部兵部

國家設官分職立法黜陟用示勸懲其有法應懲創而罪不至於

實降黜革者降級留任以觀後效乃使過之鉅典也向來題定京

身事金 一  
官降級留任者一年之後題請開復並未議及外官內外各官開復之例自應畫一嗣後凡內外大小文武官員有因事降級仍留任者三年無過准予題請開復如三年之內復有過被降卽以後降之日爲始計滿三年方予題請開復其三年之內如有罪過罰俸仍照日月扣除至於拖欠錢糧能作速完解緝拏盜賊能依限捕獲者俱卽准題請開復

二月壬午奉移 大行皇帝梓宮於景山 壽皇殿○調介山爲

兵部右侍郎以科爾科代爲工部左侍郎○轉尼滿爲刑部左侍

郎以對喀納爲刑部右侍郎圖爾特爲左副都御史原任都察院啓心郎○

癸未 上詣 梓宮前行初祭禮是日釋服○甲申 上詣 大

行皇帝梓宮前行繹祭禮○丁亥 上詣 大行皇帝梓宮前行

月祭禮○己丑免江南崇明縣逋賦○壬辰諭禮部 皇考大行

皇帝御宇時妃董鄂氏賦性溫良恪共內職當 皇考上賓之日  
感 恩遇之素深克盡哀痛遂爾薨逝芳烈難泯典禮宜崇特進  
名封以昭淑德追封爲貞妃所有應行禮儀爾部察例具奏○乙  
未諭吏部刑部等大小各衙門朕惟歷代理亂不同皆係用人之  
得失大抵委任宦寺未有不召亂者加以僉邪附和其閒則爲害  
尤甚我 太祖 太宗痛鑒往轍不設宦官 先帝以宮闈使令  
之役偶用斯輩繼而深悉其奸是以遺詔有云 祖宗創業未嘗  
任用中官且明朝亡國亦因委用宦寺朕懷承 先志釐剔弊端  
因而詳加體察乃知滿洲佟義內官吳良輔陰險狡詐巧售其奸  
熒惑欺蒙變易 祖宗舊制倡立十三衙門名色廣招黨類恣意  
妄行錢糧借端濫費以遂侵牟權勢震於中外以竊威福恣肆貪  
婪相濟爲惡假竊威權要挾專擅內外各衙門事務任意把持廣

興營造糜冒錢糧以致民力告匱兵餉不敷此二人者朋比作奸  
撓亂法紀壞本朝醇樸之風俗變 祖宗久定之典章其情罪重  
大稔惡已極通國莫不知之雖置於法未足蔽辜吳良輔已經處  
斬佟義若存法亦難貸已服冥誅著削其世職十三衙門盡行革  
去凡事皆遵 太祖 太宗時定制行內官俱永不用又劉正宗  
亦當仰遵 遺詔置之重典但念其年老姑從寬免其黨類亦皆  
赦宥爾等卽傳布中外刊示曉諭咸使知悉用昭除奸瘴惡大法  
○丙申命簡親王濟度子德塞襲簡親王○乙巳大學士禮部遵  
旨議覆歷代帝王祀典如遼太祖金太祖元太祖俱係開劫之主  
仍宜入廟崇祀至商中宗高宗周成王康王漢文帝宋仁宗明孝  
宗守成七帝應照會典在各陵廟致祭宋臣潘美張浚已經罷祀  
無庸議從之○是月免河南磁州安陽等十三州縣旱災額賦有

差免直隸新安縣水災額賦十之二及江南崇明縣逋賦

三月庚戌朔定直隸各省巡撫以下州縣以上徵催錢糧未完分數處分例○辛亥諭吏部設官用人國家大務除授升遷宜立畫

一之規方可永行無弊所進品級考爲時已久官銜品級尙有未符宜再詳定務期允當以垂永久不得各爲本衙門起見但計目前致日後紛更著九卿科道會同詳酌妥議以成一代典制○甲寅諭吏部凡奏進本章關繫政務應切實陳奏若於事理之外牽引比擬多用繁詞事情正理反不明悉嗣後內外一切本章須直據事理明白敷陳不得用浮泛文詞爾部卽傳諭內外大小衙門一體遵行○以覺羅碩博會爲左副都御史原任吏部侍郎○戊午平西王吳三桂奏平馬乃土司擒其酋龍吉兆○乙丑授浙江提督田雄二等侯福建提督馬得功三等侯○丙寅諭吏部等大小各衙

門國家紀綱法度因革損益代有不同必開邦之初籌畫精詳貽謀宏遠所定典例可以垂之奕世永行無弊我太祖太宗勅制立法垂裕後昆自當世守勿替今應將大小各衙門見行事務如銓法兵制錢穀財用刑名律例內外文武各一應恩卹廕贈諭祭造葬款項繁多難以枚舉或滿漢分別參差不一者或前後更易難爲定例者著議政王貝勒大臣九卿科道會同詳考太祖

太宗成慮斟酌更定彙集成書勒爲一代典章永遠遵行其有今昔異宜時勢必須變通有滿漢懸殊定例難於歸一者亦須斟酌至當詳明具奏○己巳子故工部侍郎巴進泰祭○壬申吏部議覆都察院奏京師五城原各設有滿御史二員順治十五年裁一今五城事繁請仍各添滿官一從之○以王原應爲福建按察使原任河南按察使○癸酉上 大行皇帝尊諡曰 體天隆運英睿欽

文大德宏功至仁純孝章皇帝 廟號 世祖○戊寅諭吏部禮

部 太宗皇帝時蒙古各部落盡來歸附設立理藩院專管外藩  
事務責任重大今作禮部所屬於舊制未合嗣後不必兼禮部銜  
仍稱理藩院尙書侍郎其印文亦著改正鑄給○諭戶部理藩院  
外藩蒙古當 太祖 太宗皇帝時同滿兵各處爭戰效力不分  
內外皆一體敘功給與世職今在內各官俱給俸祿外藩世職亦  
應給俸爾部院卽會同酌議妥確具奏○是月免直隸豐潤縣水  
災湖南澧州石門縣旱災額賦十之二

夏四月壬午以一等阿達哈哈番侍衛傅達理隨殉 世祖予祭

葬諡忠烈○甲申吏部議覆原任左都御史魏裔介奏湖廣總督  
宜駐荊州查前此湖督春駐荊州秋駐武昌今應專駐荊州以資  
保障從之○禮部奏安南國王黎維祺傾心向化有協力討賊之

勞應照例賞銀一百兩錦四端紵絲十二表裏令兵部撰給敕書  
得旨交趾傾心向化復協助勦賊深可嘉尚爾部以故明卑視外  
國之禮議覆殊不合理著另議尋議應賜銀五百兩大蟒段二匹  
綉段二匹錦二匹綵段表裏各十二仍令兵部撰給敕書付差官  
齋歸從之○乙酉兵部遵旨議覆粵西接壤苗獠土司誠屬要地  
都統線國安應以都統太子少保三等伯鎮守廣西加征勦將軍  
總管定藩下官兵再撥與綠旗官兵三千員名駐紮桂林府令廣  
西提督楊遇明領廣西提標兵六千赴廣東再於廣東稍緩地方  
兵丁酌調一千改爲廣東提督標兵楊遇明以原銜充廣東提督  
楊遇明缺應將廣西左翼總兵官馬雄升補統原額兵五千仍駐  
梧州原任兩廣總督王國光應加鎮海將軍撥入旗漢軍兵二千  
每翼副都統各一員每旗參領二員每參領下防禦二員驍騎校

各一員俱令攜帶家口赴廣東駐防王國光沈永忠楊遇明應駐

潮州等處要地著會同平南王尚可喜及督撫商榷具奏至軍機

事務亦公同酌議從之○丙戌以喇哈達爲工部尙書由兵部督

遷○癸巳以馬希納爲兵部督捕左侍郎原任散綽克託爲理藩

院左侍郎由侍衛遷○乙未以魏裔介爲左都御史原任左朱之弼爲

戶部右侍郎由左副都御史遷○丙申 上詣 世祖章皇帝梓宮前行

百日致祭禮○丁酉封鎮國公珣色子傅勒赫爲鎮國公○己亥

轉于際清爲廣東左布政使由福建右布政使轉以藍潤爲山西右布政使

由江南按察使遷○壬寅諭吏部滿洲郎中員外郎向來俱照漢官定爲

五品職銜雖有正從頂帶相同全無分別今思漢官郎中員外郎

原有內外升轉之例滿洲郎中員外郎例不外升每多久任難與

漢官相同且由員外郎升郎中者品級仍同何謂之升以後滿官

郎中應改爲正四品員外郎應改爲正五品爾部仍酌議妥確具奏○吏部議覆吏科給事中楊雍建奏科道據揭糾參恐揭報之人非謀詐卽挾讐請行禁止查科道糾參有虛卽反坐之例應無庸議得旨楊雍建原奏甚明科道不許據揭糾參則光棍不敢挾私逞刁平人不至無辜被陷著照所請通行禁飭○兵部議准廣西巡撫于時躍奏安南都統使莫敬耀向化投誠請給印敕得旨授都統使給與印敕係故明之例本朝不宜沿襲安南遠方一國莫敬耀傾心向化自當另授官職以示鼓勵應照何國歸附例授何官銜給何印信爾部會同禮部確議具奏○癸卯敕諭安南國王黎維祺曰朕惟修德來遠盛代之宏謨納款歸仁人臣之正誼旣輸誠而向化用錫命以宣恩褻忠勸良典甚重也爾安南國王黎維祺僻處炎荒保有厥眾乃能被服聲教特先遣使來歸循覽

表文忱恂具見古稱識時俊傑王庶幾有之朕心深爲嘉尙用錫  
敕獎諭仍賚爾差官釵仁根銀幣衣服等物遣安南館通事序班  
一員伴送至廣西境上並敕廣西巡撫沿途撥發兵馬導之出疆  
昭朕嘉與懷柔至意爾受茲寵命其益勵忠勤永作藩屏恪修職  
貢丕承無斁欽哉特諭○甲辰子故原任吏部左侍郎禪代祭○  
丙午以楊時薦爲左副都御史由宗人府承遷○以許世昌爲福建巡  
撫按江西御朱昌祚爲浙江巡撫由宗人府承遷張朝珍爲安徽操  
江巡撫由兵部督補○經畧大學士洪承疇乞休優旨允之給三  
等阿達哈哈番襲四次○戊申賜馬世俊等三百八十三人進士  
及第出身有差

五月壬子都察院議准兵部尙書管左都御史事阿思哈奏各省  
巡按差宜停止俟二三年之後選重臣巡察應札行各省巡按將

事務交與撫臣速行來京從之○丁巳奉天府尹張尙賢奏盛京形勢自興京至山海關東西千餘里開原至金州南北亦千餘里又有河東河西之分以外而言河東北起開原由西南至黃泥窪牛莊乃明季昔日邊防自牛莊由三岔河南至蓋州復州金州旅順轉而東至紅嘴歸復黃骨島鳳凰城鎮江鴨綠江口皆明季昔日海防此河東邊海之大畧也河西自山海關以東至中前所前衛後所沙河甯遠連山塔山杏山松山錦州大凌河北面皆邊南面皆海所謂一條邊耳獨廣甯一城南至閭陽驛拾山站右屯衛海口相去百餘里北至我朝新插之邊相去數千里東至盤山驛高平沙嶺以至三岔河之馬圈此河西邊海之大畧也合河東河西之邊海以觀之黃沙滿目一望荒涼儻有奸賊暴發海寇突至猝難捍禦此外患之可慮者以內而言河東城堡雖多皆成荒

土獨奉天遼陽海城三處稍成府縣之規而遼海兩處仍無城池如蓋州鳳凰城金州不過數百人鐵嶺撫順惟有流徒諸人不能耕種又無生聚隻身者逃去大半畧有家口者僅老死此地實無益於地方此河東腹裏之大畧也河西城堡更多人民稀少獨甯遠錦州廣甯人民湊集僅有佐領一員不知於地方如何料理此河西腹裏之大畧也合河東河西之腹裏觀之荒城廢堡敗瓦頽垣沃野千里有土無人全無可恃此內憂之甚者臣朝夕思維欲弭外患必當籌畫隄防欲消內憂必當充實根本以圖久遠之策下部議○癸亥以王孫蔚爲福建右布政使由湖廣按察使遷劉興漢爲江南按察使原任湖廣按察使○甲子諭吏部向來各部院事務設有王貝勒等管理因設啟心郎後止設尙書等官故將啟心郎盡裁去後該部議稱漢啟心郎練習事務請旨有改爲主事留部者有候

缺未補者此等俱係四品年久仍應以四品用今將在部以主事  
用者並候補者俱著仍照原品用○乙丑廣東巡撫董應魁奏逆  
渠鄧耀竊踞廉州之龍門歷有年所撫之愈驕頻寇雷陽臣與平  
南靖南二王督臣商調官兵直搗龍門蕩其巢穴鄧耀遁遁交趾  
交趾發兵逆擊殺賊無算鄧耀削髮竄匿粵西被獲應請正法下  
部知之○丁卯定六部滿洲蒙古漢軍郎中員外郎員數○戊辰  
以盧興祖爲廣東巡撫由大理寺少卿遷○山西巡撫白如梅奏原任文  
水縣知縣曹之賢順治六年姜逆叛亂同士民守城三晝夜值安  
國臣等內變拘繫獻賊全家受戮忠節可憫請加卹典贈按察使  
司僉事子祭葬廕一子入監讀書○己巳以高景爲工部尙書由  
場侍傅維麟爲工部左侍郎原任戶部左侍郎○乙亥兵部等衙門議覆  
安南國都統使莫敬耀帶領高平等處地方效順應增本秩封爲

歸化將軍以示鼓勵印信敕書俟進貢到京之日給發從之

六月戊寅朔調陳協爲倉場侍郎

由兵部調

○左都御史魏裔介奏請

定司道三年久任之法除掣解逃人及漕糧足額題有定例此外

非歷俸三年不與遷轉庶久任在職諳練民事部議如所請從之

魏裔介又言巡按已經停止事務盡屬撫臣但有按臣可行而撫

臣不便行者宜加變通敬陳六款一考察賢否宜責成道府一綜

覈錢糧宜責成藩司一察點兵馬宜轉委該道一祀典旌表宜責

成道府一刑名宜責成臬司一嚴拏蠹役應報部者報部應彙題

者彙題下部知之○浙江提督田雄奏辭侯爵兼請解提督任得

旨卿擒獲福王投誠功大又隨大兵攻戰勞績甚多鎮守海疆宣

力有年故特授侯爵以示眷酬宜祇遵成命並殫忠猷以副倚任

不必遜辭○己卯以林天擎爲延綏巡撫

原任雲南巡撫

○吏部題康熙

元年朝覲官員請照順治十六年例各省藩臬各一員各府佐一

員代覲雲貴地方初開需員料理應暫行免覲從之○以韓世琦

爲順天巡撫由宗人府啟心郎遷○戊子以高辛印爲兵部督捕右侍郎由通

政使遷○庚寅命信郡王鐸尼子鄂扎襲信郡王○封敬謹親王尼

堪子蘭布爲貝勒○癸巳大學士傅以漸以病乞休令回籍調理

○甲午以馬元爲湖廣按察使由河南糧道遷○乙未予故工部尙書霍

達祭葬○丁酉諭吏部 世祖章皇帝遺詔內云紀綱法度用人

行政不能仰法 太祖 太宗謨烈漸習漢俗於醇樸舊制日有

更張朕茲於一切政務思欲率循 祖制咸復舊章以副 先帝

遺命內三院衙門自 太宗皇帝時設立今應仍復舊制設內秘

書院內國史院內弘文院其內閣翰林院名色俱停罷內三院應

設滿漢大學士等官爾部卽開列銜名具奏○戊戌雲南貴州總

督趙廷臣奏平西王吳三桂所得五象臣派官送進京師今遵諭  
停止請嗣後境外進獻之物一槩停止以免地方解送之勞下部  
知之○癸卯罷進士觀政例○福建巡撫徐永楨奏提督馬得功  
勦平逆賊李月高許于敬其餘黨下海者皆掩殺無餘下部察敘  
○乙巳四川陝西總督李國英奏逆賊郝承裔降而復叛臣提兵  
親赴嘉定密檄提鎮諸臣合營進勦賊鼠竄沈黎我兵星馳尾襲  
旋就擒俘得旨官兵分路進勦斬關長驅郝承裔旋就擒俘具見  
調度有方將士效力在事有功人員俱著察敘具奏○是月免直  
隸霸州保定等四州縣水災慶雲縣蝗災賦有差

秋七月己酉授投誠偽咸陽侯祁三昇左都督加少保兼太子太  
保○吏部遵旨開列復設內三院衙門應用官員人數具奏得旨  
內三院各設滿洲大學士一員漢大學士一員滿洲學士二員漢

軍學士一員漢學士一員內秘書院著巴哈納金之俊胡世安爲  
大學士鄂謨克圖胡兆龍爲學士內國史院著額色黑成克鞏衛  
周祚爲大學士查布海折庫納艾元徵爲學士內弘文院著蔣赫  
德李爵爲大學士布顏王熙爲學士其見缺滿洲大學士一員滿  
洲學士二員漢軍學士三員推舉應補者具奏見在漢大學士六  
員內後有缺出不必推補止定三員以後推補內三院衙門大學  
士學士照見定六部尙書侍郎品級○甲寅調杜立德爲戶部尙  
書由刑部調○乙卯吏部議准雲南貴州總督趙廷臣奏馬乃土司應  
改爲普安縣設知縣一又分設土司巡檢准令世襲聽其土俗自  
治仍節制於縣官從之○設立理藩院四司名目爲錄勳清吏司  
賓客清吏司柔遠清吏司理刑清吏司○丙辰封故貝子特爾祐  
子噶爾哈圖貝子薩弼子巴喀俱爲鎮國公○辛酉以覺羅伊圖

爲內弘文院大學士

由吏部尚書遷

○癸亥調高景爲刑部尚書

由工部調

○

丙寅諭吏部國家政務委任庶官分理必大小臣工各稱其職乃可收得人之效近見在京部院各衙門官員有稱職者有不稱職者宜速加甄別以示勸懲內三院滿漢大學士學士各部院尚書侍郎等官俱著自行陳奏其滿郎中向來亦係自陳今同漢郎中以下至筆帖式俱著部院各該衙門堂官實心詳加考覈稱職與否應去應留開送爾部再嚴加考覈具奏如將不稱職者草率徇情姑留儻事後發覺將當日考覈之官卽以徇庇治罪以後京察考滿郎中不許自陳永著爲例○戊辰湖廣總督張長庚奏陣擒偽總兵劉備並獲其黨周文棟命誅之○辛未命四川陝西總督駐漢中○是月免江南宿州鹽城蕭縣睢甯旱災直隸新河陝西同州臨潼岐山扶風郿縣雹災賦有差

閏七月己卯吏部議准工科給事中胡悉甯奏大選急選之日令吏部河南道各滿漢一員赴部驗明缺籤公同封固臣部堂官掣名籤科道官掣缺籤從之○庚辰調車克爲吏部尙書阿思哈爲戶部尙書

由兵部調

○給事中王曰高奏請舉行經筵大典以光 聖

德以端化源下部知之○癸未安南將軍內大臣達素奏據海澄公黃梧招撫鄭芝龍屬下僞都督萬儀萬祿等擒僞中匡伯張進僞總兵朱受拆毀所據銅山城垣房屋率僞官一百八員兵四千四百名兵民家口萬餘渡海來歸得旨萬儀萬祿等識時向化傾心投誠殊可嘉尙著從優議敘海澄公黃梧實心效績招徠有方並著議敘○甲申以金鉉爲四川按察使

由廣東嶺西道遷

○己丑偏沅

巡撫袁廓宇因病乞休加兵部右侍郎致仕○子故致仕工部侍郎段國璋祭葬○辛卯諭吏部兵部海寇入犯江南時提督梁化

鳳奮勇效力同滿兵擊敗賊眾及賊奔竄往犯崇明梁化鳳星往  
應援保全孤城功亦不小敘功時授世襲阿達哈番止足賞其  
江甯捷功應再敘崇明捷功加授世職以示鼓勵至於崇明守城  
文武各官堅心竭力拒賊全城深爲可嘉亦應各加世職以示鼓  
勵俱著察明從優議敘彼時江南數百里內從賊者多惟安慶固  
守城池不肯從逆亦屬可嘉守城各官亦著察敘具奏○癸巳以

甯古禮爲左都御史

由禮部右侍郎遷

○甲午以傅維麟爲工部尙書

由工

部左侍郎遷

郝惟訥爲戶部左侍郎

原任吏部左侍郎

○丁酉以周召南爲偏

沅巡撫

原任延綏巡撫

○予故鳳陽巡撫趙福星祭葬○庚子先是安南

黎維祺於順治十一年七月奉表歸順部臣以其但稱表貢未請  
繳換敕印行令廣西督撫檄查至是黎維祺回稱前代舊制原不  
繳換敕印惟待奉准貢例依限上進巡撫于時躍具題並請另頒

敕印永爲藩臣世守下部議行○辛丑轉宜里布爲吏部左侍郎  
以折庫納爲吏部右侍郎由內國史院學士遷○以布顏爲禮部右侍郎由

宏文院學士遷

八月戊申諭吏部理藩院職司外藩王貝勒公主等事務及禮儀  
刑名各項責任重大非明朝可比凡官制體統應與六部相同理  
藩院尙書照六部尙書入議政之列該衙門向無郎中今著照六  
部設郎中官爾部議奏尋議覆理藩院見設錄勳賓客柔遠理刑  
四司今應增設各司郎中共十一員外郎共二十一員得旨依  
議理藩院尙書銜名列於工部之後○己酉諭吏部禮部兵部國  
家人文武並重職任雖異效績維均明朝陋習偏重文臣以致  
武臣灰心不思報效國祚傾覆實由於此今應將文武職掌分別  
更定向來滿官考滿賜羊酒段匹漢官考滿賜羊酒麇子入監滿

漢之例互異滿官已故卹典止給紙張羊酒祭一次漢官已故卹典致祭九壇造葬此外又有加祭及父母妻室亦有祭葬滿漢參差殊非一代典制宜酌議畫一以垂永久著議政王貝勒大臣九卿科道會同速議妥確具奏○增設貴州湄潭鎮○壬子吏部遵旨議覆尹大器舉首鄭芝龍在獄私與逆子鄭成功往來通信密行事款鞠勘俱實授拖沙喇哈番得旨尹大器授拜他喇布勒哈番○甲寅戶部遵旨議覆查明季加增練餉並無舊案止有遺單一紙每畝派徵一分直隸山東河南江南山西浙江江西湖廣廣東福建陝西廣西四川十三省共計五百七十七萬一千餘頃每畝一分派徵計徵銀五百餘萬兩請敕該撫於十八年爲始限三月徵完解部至雲貴係新闢地方無舊案可查敕該撫於見徵田地內照數徵派彙冊到部得旨如議速行○達賴喇嘛及于都台

吉請於北勝州互市以馬易茶允之○戊午諭戶部前因江南浙江福建廣東瀕海地方逼近賊巢海逆不時侵犯以致生民不獲甯宇故盡令遷移內地實爲保全民生今若不速給田地居屋小民何以資生著該督撫詳察酌給務須親身料理安插得所使小民盡霑實惠不得但委屬員草率了事爾部卽遵諭速行○命直隸各省各設總督一員駐紮省城○戊辰鑄康熙錢○庚午授四川投誠僞廣平伯陳建右都督職銜僞總兵傅汝友等各授職銜有差○壬申轉折庫納爲吏部左侍郎以吳達禮爲吏部右侍郎

由通政使遷

○甲戌諭吏部父母之喪天下通義治喪守制人子至情

滿洲原有守制之禮後因文武各官內外職任不同姑定限月治喪之禮今思在內各官尙得躬親治喪在外各官不得回家躬盡送終之禮揆諸人子之情殊爲未愜爾部詳察 太祖 太宗時

例參酌時宜另行確議定例具奏務於職任無妨于情克展以稱  
朕孝治天下之意○吏部等衙門遵旨甄別各官請照例處分得  
旨甄別各官俱如議內陰應節於順治十七年甄別時 世祖章  
皇帝念其曾發江南科場奸弊畱用今仍著畱任

九月己卯以苗澄爲左副都御史

由左僉都御史遷

○辛巳諭兵部向來

提督總兵官缺出應升各官俱係九卿會推今思武官戰守功績  
案卷俱在爾部九卿未必悉知嗣後專著爾部詳查開列不必會

同九卿○癸未以蘇納海爲內國史院大學士

由兵部尚書遷

○丙戌諭

刑部近覽爾部章奏徐勝等被擄下海旋經投歸仍按律擬罪但  
念此輩先雖從賊乃能不忘故土乘閒來歸著免罪以後凡有此  
等投誠者俱著免罪○轉李呈祥爲工部左侍郎以冀如錫爲工  
部右侍郎

由通政使遷

○兵部題銅山僞都督郭義蔡祿羅璫等率眾

投誠應請議敘得旨郭義蔡祿俱授左都督加太子太保仍給三等阿思哈尼哈番世襲八次羅璫授右都督仍給三等阿達哈哈番世襲四次○丁亥調浙江總督趙國祚爲山東總督雲南貴州總督趙廷臣爲浙江總督改四川陝西總督李國英爲四川總督以山西巡撫白如梅爲陝西總督改江南江西總督卽廷佐爲江南總督以江西巡撫張朝璘爲江西總督以貴州巡撫卞三元爲雲南總督內秘書院學士劉清泰爲河南總督改廣東廣西總督李棲鳳爲廣東總督以廣西巡撫于時躍爲廣西總督○庚寅吏部遵旨詳查 太祖 太宗滿洲守制舊例吏禮二部並無舊冊可考惟順治十年三月禮部覆原任御史陳啟泰請行通制一疏奉有三年喪禮著照會典定例遵行有難拘常制者請旨定奪之旨又順治十年六月臣部題滿洲蒙古漢軍各官不便離任丁憂

奉有依議之旨遵行已久今議得在京部院滿洲蒙古漢軍大小文官仍應照定例守制一月服滿卽出理事私居持服盡三年喪禮外其奉差出兵文官以回京聞喪之日爲始亦照定例遵行至各省駐防及在外出仕漢軍文官伊父母在任病故者仍應照例遊行父母在京病故者准其解任回京以到日爲始守制半年仍私居持服盡三年喪禮所遺員缺相應另補從之○辛卯轉王孫

蔚爲福建左布政使

由右布政使轉

藍潤爲湖廣左布政使

由山西右布政使轉

彥爲廣東左布政使

由河南右布政使轉

顏敏爲陝西左布政使

由廣西右布政使轉

以甯之鳳爲陝西右布政使

由按察使遷

范廷元爲廣東右布政使

由按察使遷

○壬辰裁江安提督廬鳳提督二缺改蘇松提督梁化鳳

爲江南通省提督○添設直隸山西山東河南雲南五省提督○

癸巳吏部開列本部司官內升外轉職名具奏得旨吏部司官與

各部例應一體此內升外轉不必行以後著與各部司官一體升

轉○甲午調明安達禮爲兵部尚書由理藩院調○以董衛國爲江西

巡撫由內國史院學士遷○乙未以楊熙爲山西巡撫原任侍讀學士羅繪錦爲貴

州巡撫由順天府尹遷○己亥吏部左侍郎石申以病乞假令解任調

理○庚子諭吏部兵部向來文武各官捐助銀米各部議定有紀

錄加級授官之例今思捐助急公雖應激勸但大小臣工各有職

業必實著勞績方可加級授官若止以捐助銀米遽行加級授官

非慎重名器之意嗣後凡捐助銀米者俱不必加級授官止予紀

錄除有事故准其抵銷外若後有應加卹賚者作何定議爾等酌

議具奏○以博羅色冷爲理藩院尚書由內大臣遷○乙巳吏部奏查

順治十六年奉 上諭人才經歷外任然後諳練事情克稱任使

科道官俱照舊例按年內升外轉今後翰林官除照常升轉外亦

與科道一體按年外轉臣部議每年外轉二次講讀以參政道用  
修撰以副使道用編檢以參議道用今翰林已歸併內三院本年  
秋季例應外轉將侍讀以下等官開列職名引見得旨翰林院官  
見在無多且皆經酌量選用以後不必外轉○是月免山東金鄉  
定陶縣旱災額賦

冬十月戊申以苗澄爲直隸總督

由左副都御史遷

佟延年爲貴州總督

由甘肅巡撫遷

○己酉以林起龍爲漕運總督

由鳳陽巡撫遷

○海賊鄭芝龍並

其子鄭世恩鄭世蔭等照謀叛律族誅鄭芝豹當鄭成功變叛時  
卽投誠來歸並其子俱免死○戶部奏山東省臨街房屋徵收銀  
兩乃明末加增之積弊本朝錢糧俱照從前則例徵收並未有房  
號銀兩且各省俱未開徵東省亦當一體豁免從之○封科爾沁  
鎮國公額駙綽爾濟爲貝勒台吉圖納黑爲輔國公○癸丑兵部

議奏故明蜀藩內江王下宗室朱奉鏞應照原籍編氓當差得旨  
朱奉鏞既經投誠應照投誠人員例議敘不宜因明宗室輒議令  
爲編氓著另議具奏○甲寅諭吏部兵部向來故明宗室投誠者  
王等以下起送來京分別祿養鎮國將軍以下令照各籍編氓樂  
業今思投誠各項人員俱加敘錄惟故明宗室槩爲編氓非一視  
同仁鼓勵招徠之意以後故明宗室投誠者王等以下仍照前起  
送來京其鎮國將軍以下查照投誠功績酌量錄用○以劉兆麟  
爲左副都御史由宗人府  
啟心郎遷○乙卯調趙國祚爲山西總督祖澤溥  
爲山東總督○丙辰裁雲南臨元廣西總兵官○安南國歸化將  
軍莫敬耀子莫元清遣使進貢並奏偏方福小嗣後請免貢獻從  
之宴資如例○丁巳以胡兆龍爲吏部左侍郎由內秘書  
院學士遷○戊午  
戶部奏新投誠官員應分旗安置見到僞漢陽王馬進忠子都督

僉事馬自德准入正黃旗僞國公沐天波子沐忠顯准入正白旗未到僞延安王艾能奇子左都督艾承業准入鑲黃旗照依品級賞賚內沐忠顯無職銜應不給俸得旨沐忠顯著照阿思哈尼哈番品級賞賚○庚申以浙江定海縣舟山人民內徙免其順治九年至十二年逋賦○辛酉吏部奏直隸已設總督其順天保定兩巡撫應裁去一員得旨順天巡撫著裁去韓世琦調江甯巡撫其順天等處地方著保定巡撫王登聯兼管○壬戌諭吏部各部事務雖巨細不同於國政民情均有關繫理宜速結今各部一切奉旨事件及科鈔俱定有限期六科按月察覈註銷其餘不係奉旨事件及無科鈔者若不專合稽覈必致稽遲除刑部已差科員稽察外吏戶禮兵工五部亦應照刑部例各差科臣一員不時稽察如有遷延遲誤事件卽行參奏仍於差滿未交代之前將已完未

完事件明白具奏○癸亥兵部題請殿試天下武舉得旨武闈已

考過步箭及策論又經內試選定著停止殿試○甲子以塗應泰

爲陝西按察使由湖廣下湖南道遷佟彭年爲河南按察使原任四川○以

失察叛賊于七逮山東巡撫許文秀沂州總兵官李永盛登州總

兵官范承宗來京○乙丑尊 太宗皇帝妃爲壽康太妃○以劉

斗爲甘肅巡撫由內國史院學士遷屈盡美爲廣西巡撫由內宏文院學士遷張尙賢

爲鳳陽巡撫由奉天府府尹遷○戊辰子內國史院大學士額色黑祭葬

諡文恪○己巳賜霍維爾等三百一人武進士及第出身有差○

增六科滿右給事中各一○庚午諭吏部原任大學士額色黑於

太宗 世祖兩朝勤勞效力有年敬慎素著始終克盡職業其

子塞色黑著升補內秘書院學士○吏部推補正黃旗滿洲都統

得旨 世祖皇帝遺旨原任都統圖海情罪原屈欲改未及遇有

滿洲都統缺補用著圖海補授都統○辛未命都統濟世哈爲靖東將軍統領滿漢官兵征勦山東叛賊于七○壬申吏部都察院議覆御史白尙登奏科道停止列名糾劾應請嗣後科道糾參係何官真知確聞者本官卽行糾參其眾員列名概行停止從之○甲戌以蔣國柱爲山東巡撫

由內秘書院學士遷

十一月己卯授歸化將軍莫敬耀之子莫元清爲安南國都統使○壬午內秘書院大學士胡世安以病乞休命以原官加少師兼太子太師致仕○先是左都御史魏裔介奏參撫臣張自德婪黷著聞又科臣孫光祀奏糾道員劉澍向魏裔介營求私書轉屬張自德張自德受書不舉魏裔介據實回奏世祖以其直吐真情特旨寬宥將張自德劉澍俱革職至是陝西巡撫張瑋審覆原參事情俱無憑據特旨張自德劉澍並復原官○乙酉吏部推升方

面官開列內院侍讀學士孫代等具奏得旨前克勝格不識文字竟以副都御史推升督撫恐此中亦有不識文字之人著察明具奏○丁亥四川陝西總督李國英奏報僞伯楊秉印率眾投誠命授左都督職銜仍給全俸賞裘馬等物○己丑四川北道楊素蘊遵旨回奏臣官御史時見平西王吳三桂題補方面官不論內外遠近一例坐缺定銜有礙國體是以具疏駁正至於防微杜漸等語原屬槩論古今通義未嘗專指該藩臣於該藩素不識面有何嫌隙不過據理而陳非別有意見下部知之○壬辰以孫代爲江南右布政使由侍讀學士遷劉顯貴爲湖廣左布政使由御史遷金光祖爲福建右布政使李迎春爲廣西右布政使何中魁爲山西右布政使郎廷相爲河南右布政使俱由郎中遷○癸巳命山東總督移駐濟南府提督移駐青州府湖廣總督移駐武昌府提督移駐荊州府

○乙未禮部尚書王崇簡以病乞解任允之○戊戌御史胡秉忠奏直隸各省州縣衛所編審花戶人丁俱沿襲舊數壯不加丁老不除籍差役偏枯不均或流入邪教或逃竄盜藪或投遁他鄉漏戶逋糧爲弊匪細請敕有司覈實年十六以上成丁六十七十准與豁免其有充僧道無度牒者悉令爲農安插附入丁冊當差從之○己亥奉 世祖章皇帝神主升祔 太廟○以法若眞爲浙江按察使由福建建甯道遷○甲辰原任巡按湖南御史仵劭昕坐貪賂狂言誣告虛誑三法司覈奏得實得旨仵劭昕著處斬其餽賂司道等官二十三員分別議處○是月免陝西伏羌江南靈璧縣雹災直隸新城縣水災額賦

十二月丙午朔廣東總督李棲鳳以老疾乞休命以原官致仕○丁未諭兵部武官內營頭千總把總曾經效力行間因原未入經

制內皆無品級殊非激勸武臣之意以後千總把總俱應入經制

內給與品級爾部卽酌議妥確具奏○以沙澄爲禮部尙書

由禮部左

侍郎

○己酉以吳瑪護爲盛京戶部侍郎

由大理寺卿遷

○辛亥命廣東

提督駐紮惠州府江西提督移駐贛州府陝西提督移駐秦州四

川提督移駐雅州廣西提督移紮南甯府雲南提督駐紮永昌府

貴州提督駐紮安順府○命浙江總督自温州府移駐杭州府○

壬子命保定巡撫移駐正定府○奉天府府尹張尙賢奏河西錦

州廣甯甯遠地方有佐領一員協管或屬永平或屬奉天其間流

民甚多入籍甚少應改爲州縣收募爲民又近有流徙人犯修造

工程贖罪之例有力者已認工程無力者應准招民贖罪若得數

千家立爲京縣實萬年根本之圖下部議○丁巳命內弘文院學

士王熙以禮部尙書管左侍郎事○以盧崇峻爲廣東總督

原任宣大

總督○己未以柳天擎爲江南按察使由鄧中遷○吏部題江西廣信一

府介在閩浙之間先因閩海用兵分隸浙督兼轄今江西旣設總督衙門宜專歸江西督臣管理從之○左都御史魏裔介奏本朝優恤生民無不備至惟因海寇連年作亂兵興不休今歲司農告匱議及加派天下地畝錢糧五百餘萬實爲百姓禦災捍患無可柰何非忍於取民財也近聞直隸各省百姓無不輸將恐後解赴軍前然雖勉完此項而窮苦之民不可名狀伏祈敕下戶部速爲籌算每年兵餉若干直隸各省正賦若干如果足用其加派錢糧卽應停止爲百姓卽所以爲國家乃培根本而長治久安之要也下部知之○辛酉諭戶部前因世祖章皇帝山陵大工及滇閩用兵錢糧不足不得已於直隸各省田賦照明末時練餉例每畝暫加一分以濟軍需今思各省水旱盜賊民生未獲蘇息正賦之

外復有加徵小民困苦朕心殊爲不忍若不急停以舒民困必致失所除順治十八年已派外康熙元年通行停止爾部作速刊示徧行曉諭使小民咸知○諭刑部向來死罪重犯因定有祖父伯叔兄弟陣亡及身有重傷者免死一次之例以致惡人豫知定例希圖倖免臨陣退縮殺人劫財肆行無忌以後死罪犯人該部不得論功議免具奏著照其應得之罪擬定題請應否准其論功候旨定奪○乙丑定營千總爲正六品把總爲正七品給部札○丁卯纂修 玉牒成○戊辰諭吏部在京部院各衙門官員已經甄別在外直隸各省督撫亦應加甄別以示勸懲除新經簡用者不必甄別外其舊任各督撫爾部會同都察院將伊等任內功過稱職與否詳察甄別議奏○癸酉以楊茂勳爲貴州總督劉兆麒爲湖南巡撫

由左副都御史遷

○是月免湖廣沔陽州水災浙江錢塘等三

十九縣旱災額賦○是歲人丁戶口一千九百一十三萬七千六百五十二田地山蕩畦地五百二十六萬五千二十八頃二十九畝徵銀二千五百七十二萬四千一百二十四兩有奇米豆麥六百一十萬七千五百五十八石有奇草二百二十六萬四千六百四十束茶十五萬七千八百二十三引行鹽四百十二萬八千三百八十七引徵課銀二百七十二萬一千二百一十二兩有奇錢二萬九千一百五十八萬四千六百有奇

東華錄

康熙二

臣王先謙敬編

臣周澗蕃恭校

康熙元年壬寅春正月辛巳 上詣 世祖章皇帝寶宮前行期  
年致祭禮○庚寅諭吏部原任大學士希福范文程甯完我額色  
黑皆自 太宗文皇帝時歷任內院贊理機務效力最久勤勞素  
著其子宜加擢用以示鼓勵范文程子范承謨額色黑子塞色黑  
已補內院學士希福甯完我各一子亦著以學士用○壬辰以董  
安國爲左副都御史由左僉都御史遷○子故原任工部左侍郎孫肇興  
祭葬○甲午以石琳爲山東按察使由郎中遷○平南王尙可喜奏逆  
賊蕭國隆劫掠廣肇二府臣遣兵水陸進剿自順治十八年八月  
至九月平賊寨武定屯等一十三處蕭國隆窮迫焚巢投水身死

擒殺賊黨一千五百餘人獲軍器船馬無算廣肇地方悉平下部  
議敘○丁酉吏部以正白旗議政大臣員缺請補得旨滿洲蒙古  
都統及尙書俱係議政大臣其每旗所設議政大臣二員可以裁  
去著議政王貝勒大臣會議具奏○禮部尙書烏赫以年老乞休  
令以原官致仕○己亥吏部議江甯巡撫朱國治藉口已報丁艱  
不候交代委棄職掌遽行離任應降五級調用得旨巡撫職任關  
繫重大朱國治遽委棄職掌離任殊違法紀著革職○辛丑御史  
趙祥星奏江南省上江下江學道二員湖廣省湖北湖南學道二  
員應俱裁併歸一部議如所請從之

二月戊申浙江總督趙國祚奏鄭逆下僞官柳會春等五十九人

率眾投誠○庚戌以祁徹白爲禮部尙書由禮部左侍郎遷○辛亥吏部

都察院遵旨甄別督撫得旨郎廷佐朱之錫張長庚李率泰趙廷

臣李國英王登聯白秉真劉秉政佟鳳彩袁懋功俱畱任趙國祚

著解任彭有義著休致蘇宏祖著以原官休致張璿著降一級調

用○乙卯轉布顏爲禮部左侍郎以查布海爲禮部右侍郎由內國史

院學士遷○丙辰諭吏部翰林院已裁併內三院其侍講學士侍講俱

著裁去內三院各增設侍讀學士二員侍讀二員○庚申以白秉

真爲山西總督由鄆陽撫治遷張自德爲河南巡撫原任陝西巡撫賈漢復爲陝

西巡撫原任河南巡撫胡文華爲南贛巡撫由廣西左布政使遷○癸亥以崔澄爲

江南左布政使由御史遷○己巳以王來任爲鄖陽撫治由順天府府尹遷○

庚午先是平西大將軍平西王吳三桂定西將軍內大臣公愛星

阿等奉命征緬兩路進兵於順治十八年十一月初八日會師木

邦僞晉王李定國先奔景線僞鞏昌王白文選遁據錫波憑江爲

險官兵自木邦晝夜行三百餘里臨江造筏將渡白文選復奔茶

山吳三桂愛星阿道總兵官馬甯等率偏師追之自領大軍直趨緬城先遣人傳諭緬酋令執送僞永歷朱由榔否則兵臨城下後梅無及十二月初一日大軍至緬城緬酋震懼遂執朱由榔獻軍前殺僞華亭侯王維恭等一百餘人總兵官馬甯等追及白文選於猛養白文選降滇南平十二月初十日大軍凱旋吳三桂愛星阿等彙疏上聞得旨覽王等奏大兵進抵緬城僞永歷及其眷屬全獲無遺僞鞏昌王白文選逃奔茶山大兵晝夜追及白文選並僞官四百九十九員兵丁三千八百餘名家口七千餘名全軍歸降獲馬象甚多具見王等調度有方將士同心勦力克奏膚功朕心深爲嘉悅在事有功官兵著從優議敘○諭禮部向因逆賊李定國敗逃挾僞永歷奔竄緬甸遺孽未靖疆圉弗甯特命平西大將軍平西王吳三桂統領大兵同定西將軍愛星阿等出邊進討

茲據奏大兵於去年十二月初一日進抵緬城僞永歷及其眷屬全獲無遺僞鞏昌王白文選並僞官全軍歸降僞永歷爲賊黨所附梗化有年今一旦就擒蕩平立奏斯皆仰賴 天地 祖宗眷佑克集大勳捷音布聞神人胥悅應行祭告典禮爾部速行察例擇吉具奏○壬申吏部議覆陝西巡撫張璠請清理各犯侵冒錢糧得旨據奏將各犯妻孥變賣追比犯人果家產盡絕不能賠償該撫理應明白具奏且原無分離父子夫妻之例此變賣妻孥係何官令其變賣果係違例該撫何不參奏張璠著明白回奏此等違例之事爾部竟未議及殊非實心任事之誼著嚴飭行○是月免湖北黃梅廣濟沔陽去年水災額賦十之三

三月甲戌朔尊 世祖章皇帝陵曰 孝陵○贈安親王岳樂父饒餘郡王阿巴泰康親王傑書父鎮國公祐塞俱爲和碩親王○

乙亥兵部遵旨議覆巡撫不理軍務安徽操江巡撫所屬十一營官兵應聽江南總督管轄安徽巡撫止管安徽等五府一州事務從之又遵旨議覆以後推升官員時不論缺之多寡將福建廣東雲南投誠官分用一半見任俸滿年久並候缺等官分用一半俟用完日將各省投誠官及應升應補各官仍照舊例分項均用從之○辛巳諭兵部向來綠旗武官敘功加至左都督仍應加級者授宮保銜今思宮保乃取裁自上酌示優異之銜不應作官員升遷之階概給且旗下官員軍功授以世職以後綠旗武官至左都督仍應以軍功加級者應授世職爾部酌議妥確具奏○壬午定內三院滿漢侍讀學士爲正四品滿漢侍讀爲正五品○癸未吏部遵旨議覆嗣後大計布政使按察使俱停其親行入覲布政司以參政或參議道一員按察司以副使或僉事道一員代覲從之

○乙酉以滇南平告祭 世祖章皇帝並 郊廟 社稷 福陵

昭陵

上御太和殿受賀詔赦天下○庚寅以蘇銑爲江西按

察使

由廣東嶺東道遷

○己亥遣官往浙江福建廣東安輯投誠官民○

庚子兵部右侍郎李棠馥以疾乞解任允之

夏四月乙巳四川巡撫佟鳳彩奏川省初定土滿人稀請將岳池

縣歸併南充江油縣歸併平武從之○庚戌福建總督李率奏

定海小埕賊眾盤踞臣密會靖藩各調官兵擊走之又萬安所先

經遷毀績被僞鎮楊宣等築壘新城臣復密會提臣馬得功調發

官兵夾勦賊不能支揚帆遠遁下部知之○辛亥以熊文舉爲兵

部左侍郎

原任吏部侍郎

○吏部遵旨議覆總督加兵部銜巡撫既停止

提督軍務應加工部銜從之○乙卯加上 太祖 高皇后 太

宗尊諡○丁巳轉吳正治爲刑部左侍郎以張爾素爲刑部右侍

郎原任侍郎

○四川總督李國英奏偽石泉王朱奉鎰煽惑土夷糾集逆黨突犯敘州馬湖二府提督鄭蛟麟發兵撲勦擒獲朱奉鎰恢復兩郡下部知之

五月癸未諭禮部平西王吳三桂鎮守秦蜀綏輯滇黔撫順勦逆茂著勳勞偽永懋朱由榔以明室遺孽煽集黨羽妄稱尊號竊據一隅歷年以來屢煩王師征勦疆圉弗甯今王奉命統領滿漢大兵出邊進討於順治十八年十二月內直抵緬甸擒偽永懋及其眷屬又降偽鞏昌王白文選並偽官全軍此皆王殫忠奮力運籌謀畧調度有方遂使國威遠播逆孽蕩平功莫大焉宜加殊禮以示眷酬著進封爲親王應行事宜爾部察例具奏○辛卯以楊時薦爲兵部右侍郎由左副都御史遷○以郭一鶚爲陝西右布政使由廣東按察使遷○癸巳諭吏部向來京察考滿各官由本衙門堂官註定考

語有註稱職者有註平常者及至升轉時全不察照殊非鼓勵盡職之意今後京察考滿俱著堂官詳加察議註定考語日後升轉卽將稱職者照考語次序先令升轉仍註明歷俸年月其各衙門堂官須於考察考滿之時矢公矢慎以副倚任之意不許瞻徇○乙未吏科都給事中嚴沆奏在京三品以上及督撫等官自陳宜將任內何事加級何時紀錄何事曾經鍰罰何日曾被糾彈何項應罰而蒙恩寬宥一一開列以明悉無遺爲準不宜侈張勤勞任事之浮詞以混干澂敘官方之大典臣見近時督撫諸疏竟有鋪張累幅稱詡不已者殊失告君之體請敕部嚴行申飭下部議行○丁酉添設刑部繙譯滿漢字滿洲主事一○庚子靖東將軍都統濟世哈蕩平山東賊寇班師○辛丑平南王尙可喜奏總兵官許龍擒海寇鄭成功之弟鄭成賜於廈門得旨嘉獎下部議敘

六月壬寅朔吏部議准左都御史魏裔介奏直隸各省衙門事件向來未定規程每至多年不結請除奉旨急限外其餘一切部院文移督撫批發軍民告理事情每一衙門不得過二十日之限有難結者亦必申請明白否則糾參治罪從之○乙巳以曹國柄爲左副都御史由通政使遷○辛亥給事中金漢鼎奏總督巡撫諸臣賈任最重近年來兩番甄別例皆移咨各部查取功過以定官評如捐輸而邀紀錄修城而蒙晉秩因公罣誤而擬奪俸連賦未清而亦鐫銜諸如此類何預封疆所貴乎節鉞重臣必能爲朝廷大振紀綱力圖勘定使禁旅之驅馳漸省軍需之輸輓少寬若僅與有司較尺寸之勞謂足盡職亦已謬矣宜敕部院諸臣博採輿論嚴覈平生必取才守兼優始定上考下部知之○戊午裁雲南大鶴麗永總兵○庚申諭吏部都察院內外大小官員歷俸三年考滿

視其稱職與否即可分別去留以示勸懲此外又有京察大計之例實屬故套且考察之時多有營求徇庇被處之官縱有屈抑不准申辯無罪被誣者甚多今思激肅官方止在實行勸懲不在踵襲繁文多立名色以後官員貪酷昭著及不能稱職者在外督撫不時參劾在內各衙門堂官及科道糾察其京察大計應行停止內外大小官員俱著三年考滿考滿之時在外責成該督撫在內責成各衙門堂官矢公矢慎開註事蹟考語移送部院嚴加考察分別去留以昭勸懲如開送不公併原衙門考察之官糾參治罪爾部院詳議定例以聞○以李本晟爲廣東按察使由雲南參政道遷○乙丑諭兵部京口水師船駛往浙省定海合浙省水師船著設提督一員總兵二員駐紮定海福建水師亦應設提督一員總兵二員此水師官兵應駐何處每處應設官兵船若干爾部會同大學

士蘇納海尚書車克速議奏聞○丙寅靖南王耿繼茂奏海逆鄭成功因其子鄭錦爲各僞鎮所擁立統兵抗拒鄭成功不勝忿怒驟發顛狂於五月初八日斃齒身死下部知之○戊辰予故原任浙江巡撫陳應泰祭葬○庚午裁河南大梁河南河北兵巡道三缺○辛未裁山東濟南登州濟甯兵巡道三缺

七月壬申朔以車克爲內秘書院大學士

由吏部尚書遷

○庚辰兵部議

准平西王吳三桂請添設雲南省城副將一中軍守備一千總二把總四馬步兵一千名從之○辛巳裁山西太原大同平陽兵巡道三缺驛傳道一缺○壬午靖南王耿繼茂奏漳州水師經制兵三千原設遊擊二分爲二營恐兵多不便約束請增遊擊一改爲中左右三營從之○乙酉吏部都察院遵旨議覆三年考滿滿漢三品衙門堂官以上及在外督撫俱各自陳其餘官員應立五等

考語一等稱職者加一級二等稱職者紀錄一次後緣事降級准

其抵銷辦事平常者仍畱任辦事不及者降一級調用不稱職者

革職以後升轉照考語次敘一等者先用又在京四品僉都御史

卿屬國子監祭酒六科滿漢都給事中中書科行人司翰林院掌

印官並在外兼僉都御史銜之巡撫任滿三年咨送部院考覈註

考語此外各官在京者各部院堂官註考語在外者各督撫註考

語仍咨送部院覆覈如註考語官員徇情不公及明知屬員俸滿

不考或地方盜案錢糧未清冒稱考滿及各官歷俸已滿規避不

考者在內部院在外督撫及本官一併治罪從之○庚寅裁江西

驛傳道一缺湖西湖東兵巡道二缺○辛卯調阿思哈爲吏部尙

書由戶部調○以李芝蘭爲江南按察使原任山西按察使○壬辰改錦州爲

錦縣設知縣典史各一隸奉天府其甯遠縣人民暫歸錦縣管理

○甲午增福建長樂營遊擊一○丙申裁福建漳南巡海道二缺

○丁酉贈湖廣殉難武陵縣知縣袁夢吉按察使司僉事子祭葬

○戊戌以甯古禮爲戶部尙書

出左都御史遷

八月辛丑朔大學士金之俊以年老乞休命以原官致仕○戊申

裁湖廣上江下江武昌荆西四道缺○己酉命協鎮廣東將軍駐

肇慶府○裁廣東肇慶總兵員缺添設廉州總兵官高雷廉總兵

官止轄高雷二府○辛亥諭都察院巡視茶馬一差近經部議滿

漢兼差已經奉旨准行今思巡視茶馬差原係漢御史從無差滿

官之例以後著仍照舊例止差漢官不必兼差滿官○丙辰調覺

羅雅布蘭爲左都御史以覺羅科爾昆爲刑部尙書

由副都統遷

○戊

午轉何中魁爲福建左布政使

山西右布政使

金光祖爲廣西左布政使

福建右布政使

○以王鋌爲江西右布政使

由貴州按察使遷

○己未直隸總督

苗澄奏請懷來道事務歸併口北道管理易州道事務歸併霸州道管理霸州道移駐蠡縣從之○辛酉吏部左侍郎胡兆龍以病乞解任允之

九月甲戌轉馮溥爲吏部左侍郎以梁清寬爲吏部右侍郎原任侍郎

○壬午裁延綏巡撫○丙戌以張颺爲福建右布政使由山西按察使遷

○丁亥以陳宏業爲山西按察使由廣西蒼梧道遷楊奇烈爲貴州按察

使由山東青州登萊道遷○甲午定河員處分例

冬十月壬寅調成克鞏爲內秘書院大學士由內國史院大學士調○癸卯

尊 昭聖慈壽恭簡安懿章慶皇太后爲 太皇太后加上尊號

曰敦惠尊 皇后爲 仁憲皇太后 母后爲 慈和皇太后頒

詔天下○丁未以林天擎爲南贛巡撫原任延綏巡撫○丁巳以崔之瑛

爲雲南右布政使管左布政使事席式爲雲南按察使由浙江溫處道遷

○己未定西將軍內大臣公愛星阿平定雲南凱旋○雲南巡撫袁懋功奏據車里宣慰使刀木禱報稱僞晉王李定國逃奔景線染病身死下部知之

十一月甲戌刑部等衙門以朝審情實各犯具奏內絞犯衛正元一案得旨衛正元身爲江南巡按當海賊入犯時理應前進保守江甯乃由太平退回鳳陽本當處死念其在世祖章皇帝時曾經摘發奸弊糾參貪官盧慎言今姑從寬免死流徙尙陽堡○乙亥戶科給事中史彪古奏河工官員宜久任以專考成請將沿河州縣升沿河府廳沿河府廳升沿河道員庶駕輕就熟爲久安長治之計下部議行○戊寅授投誠僞鞏昌王白文選爲承恩公給三等公俸○辛巳吏部遵旨議覆步軍總尉應爲三品步軍副尉應爲四品步軍校仍爲五品從之○戊子添設戶部滿洲繙譯主

事一○庚寅以金鉉爲山西右布政使

由四川按察使遷

彭而述爲貴州

按察使

由廣西桂林道遷

○乙未靖南王耿繼茂奏僞鎮威將軍左都督

楊學舉率所屬官兵三千餘名人民家口三萬有餘投誠請從優

議敘得旨覽王奏楊學舉率領官兵真心投誠深可嘉尙著議敘

具奏其歸順人民聽其自便安插尋授左都督加太子太保給三

等阿思哈尼哈番○是月免直隸南宮江南頴上等縣水災額賦

十二月庚子朔和碩安親王岳樂等遵旨議覆吏部實錄及品級

考俱經會議訂正成一代典章此外如有奉 上諭爲例之事卽

應增入得旨據奏品級考止議漢官升轉滿官未經議及著將滿

官升轉定例併議又太常寺光祿寺鴻臚寺各官在內升轉者多

六部司官不得在內升轉俱係明末陋規非明初之制又太常光

祿鴻臚等缺旣歸併禮部應與六部司官一體升轉俱著再行會

議具奏○辛丑定考滿各官一等稱職者在內四品五品職官紀錄一次給表裏各一匹六品以下職官紀錄一次給表一匹在外巡撫及布政使以下四品職官紀錄一次給表裏各一匹五品以下職官紀錄一次給表一匹○甲辰裁浙江金衢兵巡道缺歸守道兼理驛傳道缺歸杭嚴道兼理○給事中劉如漢奏四川初關多將白身之人委署有司今後應擇鄰封正印官用之庶幾以愛惜功名之故愛惜百姓亦激清吏治之一助下部議○丁未京口鎮海將軍劉之源奏偽肇敏將軍陳文達擁兵海上十餘年今十月中統領舟師抵臺受撫又偽總兵羅承德脫身來歸呈繳偽印下部察敘○戊申定直隸各省駐紮王與公將軍督撫提督副都統總兵官文移相見儀注○己酉靖南王耿繼茂奏總兵官吳萬福奉命招撫偽總兵王士鰲等歸誠下部察敘○壬子裁江西巡

西巡東二道缺歸守西守東二道兼理○癸丑靖南王耿繼茂奏自順治十八年九月起至康熙元年七月止陸續招撫偽將軍都督總兵並副參遊守千把總等官共二百九十員兵共四千三百三十四名家口共四百六十七名請敕部酌議各官給與銜俸兵丁入伍支糧下部知之○甲寅裁福建巡海道缺歸驛鹽道兼理裁巡漳道缺歸守漳道兼理○丙辰以佟彭年爲江南右布政使

由河南按察使遷

朱之瑤爲四川按察使

由川西道遷

○己未安親王岳樂等

遵旨議覆六部漢郎中照科道官例每年內升四員春秋二季開列每季 欽點二員其內升太常光祿鴻臚等缺並請更定得旨前以太常寺光祿寺鴻臚寺歸併禮部故欲更定官制今思將此三衙門官更改則各官升轉愈致壅滯太常寺光祿寺鴻臚寺提督四驛館卿少卿寺丞等官俱著照舊存留升轉各部司官每年

內升四員依議其科道員缺向來以推知考選以後推知俱應升部屬補授科道仍著酌議定例具奏尋議科道員缺應將各部司官考選停止推知中行評博開列其各部主事員缺將推知等官推升從之○辛酉諭吏部兵部貴州接壤雲南皆係巖疆要地且苗疆雜居與雲南無二其一切文武官員兵民各項事務俱著照雲南例令平西親王管理○甲子裁江南潁州道缺改鳳宿道爲鳳陽道轄鳳陽一府安廬道爲廬州道轄廬州一府滁和二州及安慶府歸併池太道管理○丁卯裁福建海澄總兵官○命福建水師提督帶兵四千駐紮海澄縣左路水師總兵官帶兵三千駐紮閩安縣右路水師總兵官帶兵三千駐紮同安縣○是歲朝鮮來貢○人丁戶口一千九百二十萬三千二百三十三田地山蕩畦地五百三十一萬一千三百五十八頃一十四畝徵銀二千五

百七十六萬九千三百八十七兩有奇米豆麥六百一十二萬一  
千六百一十三石五斗有奇草二百二十六萬五千七百三十四  
束茶一十五萬七千九百二十八引行鹽四百二十萬四千五百  
九十八引徵課銀二百七十三萬三千五百七十八兩六錢鑄錢  
二萬九千七百八十九萬六千三百八十有奇